

雅州府志
七

雅州府志卷之十

兵制

易稱長子元戎張撻伐之威詩詠干城貔虎壯金湯之勢故兵可以百年不用不可以一日不備而雅州邊鄙

廟算神謨察其要害權其輕重星羅碁布大小
首尾相應於以聯指臂重聲援士飽馬騰反
潛消矣志兵制

武王孟津之師庸蜀羌髳微盧彭濮來會巴師勇
銳舞以凌殷人倒戈故世稱之曰武王伐紂前
歌後也

漢

高帝前踵秦制置材官於郡國官衛軍壩上

蜀漢

昭烈帝初置五軍其將校畧如西漢而兵有散騎
武騎之別諸葛武侯在蜀以八陣法教閱戰士

晉

武帝分置益州並設護南蠻校尉以太尉司徒大將軍大都督遙領之

唐

德宗元年以韋臯爲西川節度使

文宗以李德裕爲西川節度使德裕至鎮作籌邊樓圖蜀地形訓練士卒葺保障以備邊僞蜀王建武二年講武於星宿山步騎二十萬官馬八千私馬四千

宋

太祖乾德二年詔以王全斌爲西川行營前軍率
禁軍步騎二萬人諸州兵萬人都督署二年四月
詔改王全斌總置四川感化耀武等軍並爲虎捷
開寶八年設夔州路義軍土丁壯丁州縣籍稅戶
充或自溪洞歸設分隸邊寨習知山川道路遇蠻
入寇遣使征討官軍但據險策應其校長之名隨
州縣補置月給衣糧犒賞有差有功者以次遷渝
州懷化軍江津巴縣巡遏將皆州縣誨補其戶下
率有子弟客丁遇有寇警一切責辦土戶

哲宗元符二年詔四川沿邊州縣城池樓櫓各務修治有不治者罪之

徽宗崇寧元年以陝置安遠軍四川路步軍之額自開遠而下並改曰克寧凡一百一十一指揮軍二萬二千四百人而克寧成都蜀漢雅邛嘉綿陵彭眉簡戎榮普資梓合瀘遂渠昌果懷安廣安興元洋利龍劍蓬壁安興文德三泉夔渝涪葛達開旋忠雲中大寧威棹成都嘉眉簡梓州路諸州軍劍安德夔渝涪萬安雲

元

成宗大德元年六月礪門魚通及黎雅諸處民戶
不奉國法議以兵戍其地發新附軍五百人蒙古
軍一百人漢軍四百人往鎮戍七月以西川蒙古
軍七千人新附軍二千人付皇子安西王八月調
夔府招討張萬之新附軍俾四川西道宣慰使也
罕的斤將之戍幹端

七年四月調礪門四川軍二千人鎮守羅羅斯

七年四月十二月陝西都萬戶府言礪門探

馬赤軍一百五十名鎮守多年乞放還元翼樞密院臣議彼中亦係要地不宜放還止令於元翼起遣一百五十名三年一更鎮守原調四川各翼漢軍一千名鎮守碣門黎雅亦令一體更代

泰定帝二年調碣門安撫司軍七百人成都保寧順慶廣安諸屯兵七千令萬戶周戡統領直抵羅羅斯界以控西番及諸蠻部

明

洪武初年立大都督府節制中外諸軍事若有征

討之役以公侯伯充總兵官名曰掛印將軍其在外鎮守地方武臣置都指揮使司以領衛所置總兵叅將遊擊守備以司攻守諸軍在外者謂之翼洪武中改翼曰衛有指揮使等官各衛所官軍分番教閱大率以五千六百人爲一衛一千二百一十六人爲一千戶所一百一十二名爲百戶所每一百戶設總旗二人小旗十人管領大小相維以成隊伍四川都司所屬二十一衛所原額十六番三千六百三十六名有大征伐或量調各土司兵

聽官兵總領節制

國朝

順治三年奉

旨特命孟喬芳總督四川

十四年九月以四川巡撫李國英陞授川陝總督
標下額設五營將備千把馬步兵丁

康熙元年七月奉

旨特命總督四川兼理糧餉駐劄重慶府居中調度

康熙六年以苗澄總督四川

康熙七年劉兆麒接任旋奉裁

康熙十九年以楊茂勲總督四川

雍正九年欽奉

上諭川陝二省地方數千里甚爲遼濶今西邊有辦理
軍需之事總督一員難以控制向來川省曾設總
督今仍着添設四川總督一員兼理糧餉雍正十
三年裁

泰寧協兵制詳見化林坪營制

雅州府志卷之十

化林坪營制

查化林坪原未定有經制官兵康熙二年川督李
題增設經制守備一員馬步兵丁貳百名隸建昌鎮
三十五年守備王允吉以營汎兵單詳請增設川
提岳以梁萬營叅將陳遠致帶千總二員把總三
員兵三百七十五名移駐化林合原設守把共官
兵五百八十三員各康熙三十八年因西藏差爐
營官二名曰昌側集烈打死明正長河西宣慰上

官蛇喇喳吧侵逼河東地方三十九年三路徂征
恢復全爐土壤千里招撫投誠番部五十餘處授
以安撫土司土百戶職銜頒給印信號紙繼因化
林官兵不敷分汎彈壓議請添兵一千名以資控
制康熙四十六年川提岳將化林改設副將以黎
雅裁邊二營附之節制天全六番董卜木坪等處
大小土司六十五員名雍正八年奉

旨將西藏達賴喇嘛移駐噶達建惠遠廟坐床將化林
協改設口外噶達地方以中軍守備帶把總一員

機馬步兵丁二百名移駐打箭爐以化林協改爲
營留兵三百名千總一員把總二員添設都司一
員鈐屬將副將一員千總一員把總一員兵五百
名移駐噶達防護惠遠廟增中軍都司一員把總
一員共官兵五百五員名改名泰寧協又新設中
渡上渡下渡兵五百名添守備一員千總二員內
守備一員帶兵一百名駐防中渡千總二員各帶
兵一百名分防上下二渡千總一員帶兵一百名
分防吹音堡新添靈雀寺兵二百名設守備一員

把總一員管領以吹音堡千總一員兵一百各附
歸靈霍寺共官兵三百三員各以中渡營名德靖
打箭爐營名阜和靈霍寺營名寧安復增泰寧兵
一百名改設時將原轄之黎雅營屬建昌鎮復將
阜和德靖寧安三營守備改補都司雍正十三年
達賴喇嘛回西藏改設泰寧寧安德靖三營兵一
千三百名統令泰寧副將率領賊撤兵丁七百名
合之化林兵三百名共兵一千名駐劄化林分左
右二營設都司二員千總二員把總四員以昭體

制派右營

橋撥外委

一員

一名駐防泥頭

營止有都司

員吧

六二百名

請量撥千總

百名增隸以資分佈黎雅

我邊二營仍歸化林副將管轄惠遠廟現有喇嘛

留駐於阜和營就近輪派把總一員帶兵三十名

駐防泰寧按季更換撥設弁兵所需衙署營房照

例建造仍將化林改名泰寧此化林營制之始末

也

星野

天文井鬼分野

疆域

在成都西南七百餘里東西距二千五百餘里南北距二千二百餘里東至邛州犍爲縣接成都城守及永寧協屬叙馬營界南至建昌鎮屬寧越營及瀘寧營汎界西至巴塘宣撫土司接西藏寧靜山暨雲南維西營汎界北至蒙葛結長官土司及東暑土百戶接陝西西寧四川松潘土司界